

四庫全書

史部

欽定四庫全書

史部

皇朝文獻通考卷一百

二十九  
至三十

府丞臣龔駿文覆勘

總校官中書臣孫溶

欽定四庫全書

皇朝文獻通考卷一百二十九

五禮考

朝儀

皇太后三大節朝賀

臣等謹案古者命婦有朝女君之禮唐開元禮載  
太皇太后皇太后及皇后受羣臣朝及外命婦朝  
會儀我

朝

列聖以孝治天下

御極之始尊奉

慈寧每遇三大節

親率王公大臣行慶賀禮

皇上嗣位以來尊養

聖母皇太后問

安視膳典禮有加恭遇

慈壽中外臣民同申慶祝我

皇上推

恩錫類周帑寰區仰見

聖朝家法禮制尊崇

孝養備隆情文並摯允為皇古以來所未有臣等職司

載筆謹拜手稽首以誌

盛典云

順治三年正月己酉朔

世祖章皇帝詣

皇太后宮行禮畢受諸王大臣朝賀

八年四月定

皇太后三大節禮儀是日

皇太后儀仗全設

皇帝

皇后詣

皇太后宮

皇太后陞內殿

皇帝

皇后先行禮畢還宮公主和碩福晉以下都統尚書子

命婦以上俱詣

皇太后宮行禮

十年二月甲辰

世祖章皇帝率內大臣侍衛等詣

慈寧宮預行慶賀

皇太后聖壽禮乙巳公主和碩福晉以下一品命婦以上  
行慶賀禮賜宴

臣等謹按二月八日

孝莊文皇后聖壽節是歲以

社稷齋期故移於前一日

康熙八年定元旦冬至次日

太皇太后

皇太后宮慶賀禮儀凡元日



太皇太后

皇太后儀駕俱全設

皇帝御禮服率王公內大臣侍衛暨都統尚書子以上  
咸朝服先朝於

太皇太后宮畢次詣

皇太后宮行禮次

皇后御禮服率公主福晉命婦咸朝服朝於

太皇太后宮畢次詣

皇太后宮行禮長至次日

皇帝率王公大臣詣

太皇太后

皇太后宮行禮次

皇后率公主福晉命婦行禮與元日同

十七年二月己酉

太皇太后聖壽節

聖祖仁皇帝親撰表文率王以下文武大臣侍衛等詣

太皇太后宮上表行禮

十八年二月癸酉

太皇太后聖壽節遵

懿旨以春分齋戒更於初十日行禮乙亥

聖祖仁皇帝率諸王文武大臣侍衛等詣

太皇太后宮補行慶賀禮

二十一年正月定

太皇太后

皇太后三大節慶賀行禮時令在京文武官員及直省進表官員於

午門外行禮

二十二年二月禮部議凡遇喜慶

皇上於

太皇太后

皇太后宮行禮時王以下入八分公以上內大臣侍衛大學士等照常隨行禮八旗一品大臣及滿漢尚書

俱令在

午門外衆班內行禮從之是歲又定

寧壽宮行禮時置糾儀御史二人於

寧壽門外二人於儀駕末二人於

午門外監禮

三十九年十月壬戌

皇太后六十聖壽

聖祖仁皇帝率羣臣行慶賀禮是日王以下輔國將軍以

上民公侯伯子大學士內大臣都統尚書左都御  
史護軍統領前鋒統領副都統侍郎直省將軍總  
督巡撫提督總兵官各恭進慶賀儀物陳

午門外

聖祖仁皇帝率文武大臣侍衛詣

寧壽宮行禮次

妃

嬪暨公主福晉以下都統尚書子命婦以上行禮如

儀

四十九年十月甲子

皇太后七十聖壽

聖祖仁皇帝率王以下文武大小官員行慶賀禮儀與三

十九年同

六十一年十二月王大臣等奏請雍正元年元旦

詣

皇太后官行慶賀禮奉

懿旨停止行禮

乾隆二年正月庚寅朔停止王大臣等詣

皇太后宮行禮前期

諭內閣曰朕前降旨明年元旦停止御殿受朝

皇太后前照常行禮今奏知

皇太后蒙降

懿旨明年元日尚在

世宗憲皇帝服制二十七月之內



皇帝既不受朝其王大臣赴慈寧宮行禮亦著停止

十一月禮部奏

皇太后聖壽日

皇帝詣

皇太后宮進表儀注得

旨每年用進表儀注遇大慶之年用宣表儀注

五年十一月定

皇太后萬壽聖節大小臣工咸服蟒袍七日不理刑名著為

例

六年十一月

皇太后五十聖壽

上率諸王大臣行慶賀禮前期

諭曰本年十一月二十五日恭遇

皇太后五十萬壽普天同慶伏查康熙四十二年

聖祖仁皇帝五旬大慶曾經賞賚八旗年老人等今年朕

亦欲將在京八旗官員及男婦太監等年六十以上

者加以恩賞此等老人於

皇太后自暢春園回宮之日欲瞻仰跪接者不必禁止其  
年老艱於步履者亦不必勉強是月丙子大學士等

奏言

皇太后聖駕回宮凡在

壽康宮前行禮之滿漢一二品文武大臣懇請瞻仰跪接  
得

旨著於西安門外跪接癸未

皇太后聖駕進西直門

上出西華門請

安奉

皇太后詣豐澤園進膳丙戌

聖壽節

上率諸王公大臣等行禮百官于

午門外隨行禮

上侍

皇太后筵宴畢回宮

七年十一月丁丑

上以

皇太后聖誕預行慶賀禮是歲十月禮部奏本年十一月

二十五日庚辰

皇太后萬壽聖誕次日適屆冬至令節

皇上先期躬詣齋宮所有慶賀典禮請於二十二日預  
為舉行得

旨是

十二年正月禮部議向例凡遇慶賀大典

皇太后宮行禮公主福晉以下止及一品大臣命婦謹按  
祭

先蠶壇二品大臣命婦皆與嗣後凡遇慶典二品命婦  
亦准入班行禮從之

十四年四月

諭朕閱禮部所進儀注朝賀

皇太后行禮之世爵大臣止列入公侯伯子而男爵則未  
之及蓋因男爵原係二品向例惟一品大臣在長信  
門外行禮後以人數過少增入侍郎副都統而禮部  
所進儀注仍循前例不及男爵是五等之班竟闕其  
一未為允協著一併增入

十六年十一月

皇太后六十聖壽加上

徽號

上率王公大臣等行慶賀禮

頒詔天下先期建

壽安宮為奉觴之所王公宗戚六部八旗卿寺各衙門直

省督撫在京紳士耆老自高梁橋至西華門豫設

綵棚樂劇恭祝

聖壽是月癸未

上奉

皇太后御大安輦自暢春園進官設鹵簿



上御龍袍袞服乘騎前導王公大臣咸蟒袍補服滿漢  
命婦咸采服各於祝

壽綵棚前夾道跪迎

皇太后頒賜賞賚各有差

皇太后進宮

上率

皇后

貴妃

妃

嬪侍

皇太后於壽安宮稱慶凡九日乙酉

上率王公大臣詣

慈寧宮恭上

崇慶慈宣康惠敦和裕壽皇太后徽號進

冊寶行禮戊子

皇太后聖誕日

上率王公大臣侍衛詣

慈寧宮行禮宣表文武百官及休致降革官給予品銜

者并進士舉人貢生俱於

午門外生監耆老於

天安門外各行禮

皇后率

貴妃

妃

嬪於

慈寧宮行禮如儀自是月十四日始至二十八日止王公  
百官咸蟒袍補服不理刑名

二十六年十一月

皇太后七十聖壽加上

徽號

上率王公大臣等行慶賀禮

頒詔天下前期內外王公大臣官負在京紳士耆老豫

設綵棚樂劇恭祝

聖壽

上親撰

聖母皇太后七旬萬壽連珠詞製圍屏恭獻至是月己酉

上奉

皇太后自暢春園進宮

皇太后乘大安輦

上御龍袍袞服乘騎前導王公宗室滿漢文武大臣官

員及回部郡王霍集斯等各於恭祝

萬壽亭前以次跪迎其年逾七十以上之親王及文職大

臣和碩履親王允禔和碩顯親王衍潢大學士來

保大學士史貽直吏部尚書傳森工部尚書歸宣

光吏部侍郎勒爾森禮部侍郎何國宗左副都御

史張泰開九人共六百七十七歲武職大臣內大

臣博爾本察盛京將軍清葆護軍統領保平散秩

大臣噶錫泰散秩大臣巴海直隸提督吳進義副

都統班第副都統黑色副都統集成九人共七百  
二十二歲在籍文武大臣禮部侍郎加尚書銜沈  
德潛刑部侍郎加尚書銜錢陳羣左都御史吳拜  
左都御史木和林吏部侍郎德麟工部侍郎范燦  
內閣學士鄒一桂副都統李世倬三品職銜多倫  
九人共七百四歲

御製九老會詩

賜遊香山御園及

皇太后安輿回宮諸老臣分列三班跪迎

懿旨頒賜賞賚有差每日

上率

皇后

貴妃

妃

嬪侍

皇太后膳於壽安宮甲寅



上率王公大臣詣

慈寧宮恭上

崇慶慈宣康惠敦和裕壽純禧恭懿皇太后徽號

躬進

冊寶行禮禮成

御太和殿

頒恩詔中外是日

上詣

慈寧宮侍

皇太后宴

上綵衣躬舞捧觴上

壽和碩和親王弘晝和碩果親王弘瞻

皇四子永璉

皇五子永琪

皇六子永瑤

皇八子永璇

皇十一子永理

皇十二子永璣

皇長孫綿德

皇次孫綿恩公永璘公永璵永琿永琮額駙色布騰  
巴爾珠爾額駙福隆安以次進舞丙辰

上率王公大臣詣

慈寧宮行禮宣表文文武百官及休致降革官給予品銜

者俱於

午門外行禮生監耆老於

天安門外行禮

皇后率

貴妃

妃

嬪於

慈寧宮行禮如儀

臣等謹按是年十一月二十五日己未

皇太后聖誕日以逢

南郊齋期改於二十三日丁巳預行慶賀禮

二十七年十月定慶賀題本式凡各省督撫慶賀

皇太后本章面頁改用黃綾黃簽恭遇

聖壽節賀本本面仍加黃簽敬書

徽號

二十八年二月更定慶賀題本式通政使竇麟奏

言嗣後恭遇慶賀

皇太后本章及貼黃俱請純用黃紙其面頁仍用黃綾黃  
簽本內毋庸另加簽從之

三十六年十一月

皇太后八十聖壽加上

徽號

上率王公大臣等行慶賀禮前期內外王公大臣官負  
在京紳士耆老豫設綵棚樂劇恭祝

聖壽是日丙辰

上率王公大臣詣

慈寧宮恭上

崇慶慈宣康惠敷和裕壽純禧恭懿安祺皇太后徽號

躬進

冊寶行禮禮成

上奉

皇太后幸萬壽寺正國寺拈香至倚虹堂停蹕奉

皇太后御萬壽輦

上乘騎前導三班九老王公宗室滿漢大小臣工在京  
文武外吏暨大臣命婦並在籍紳士老民老婦等  
各於恭祝

萬壽亭前依次跪迎

皇太后頒賜賞賚各有差

皇太后駕還

壽康宮丁巳

上奉



皇太后幸壽安宮侍膳戊午

賜三班九老宴遊香山

命於次日赴

乾清門內令畫工艾啟蒙繪圖文職九老顯親王衍  
璜恒親王崇志大學士劉統勲協辦大學士官保  
吏部尚書託庸戶部尚書素爾訥刑部尚書楊廷  
璋刑部侍郎吳紹詩工部侍郎三和武職九老都  
統四格都統曹瑞散秩大臣國多歡散秩大臣銜

甘都副都統伊崧阿副都統薩哈岱副都統李生  
輝副都統富僧阿副都統色瑞察致仕九老刑部  
尚書銜錢陳羣內大臣福祿禮部尚書陳惠華兵  
部侍郎彭啟豐禮部侍郎銜鄒一桂副都御史呂  
熾內閣學士陸宗楷詹事府詹事陳浩國子監司  
業銜王世芳庚申禮部奏

聖母皇太后八旬萬壽各省原任及候補候選人員來京  
恭設經壇虔申慶祝應准其

午門外一體隨班行禮恭候

欽定奉

旨准其隨班行禮辛酉

皇太后八旬萬壽大慶節辰刻

上詣

壽安宮侍

皇太后膳已刻

詣

慈寧宮侍

皇太后筵宴

親捧進御贊玉蟠桃一件

上綵衣躬舞捧觴上

壽

皇四子永璘

皇六子永瑤

皇八子永璇

皇十一子永理

皇十二子永璣

皇十五子永琰

皇十七子永璘額駙色布騰勒爾珠爾福隆安扎蘭

泰

皇長孫綿德

皇次孫綿恩綿億綿惠綿聰綿志鄂勒追特穆爾額

爾克巴拜丹巴多爾濟豐申濟倫

皇曾孫奕繩以次進舞禮成

上奉

皇太后幸

壽安宮

皇貴妃

貴妃

妃

嬪於

壽安宮行禮如儀

三十七年十一月奉

諭旨曰奉

皇太后懿旨向來每遇慶典令節皇帝詣慈寧宮朝賀至  
永康左門外即降輿步入今皇帝春秋已逾六十雖氣  
體强健精力如常而禮數過勞之處亦宜隨事撙節嗣  
後遇元旦行禮在慈寧門東階下降輿萬壽行禮在慈  
寧門西階下降輿並就門旁著內監設便坐以資小憩

以示惓惓愛護之意欽此朕欽承

慈命敢不祇遵著傳諭各該衙門載入儀注敬謹遵照

皇太后三大節朝賀儀先期內閣具

皇帝稱賀

皇太后表文其式曰

子皇帝臣御名誠懼誠忤稽首頓首

上言臣聞

表聯隨時撰入欽惟



聖母

徽號

恭書

皇太后陛下

隨時  
撰擬  
伏願

隨時  
撰擬

臣曷任踴躍懼忤之至謹奉

表稱

賀以

聞諸王大臣及內外臣工隨進表賀送禮部其式曰具官

臣某等誠懼誠忤稽首頓首

上言伏以

表聯隨時撰擬 欽惟

皇太后陛下

徽號於上 恭書

隨時撰擬

臣等幸際昌期欣逢

聖壽

元旦長至

伏願

隨時撰擬

臣等無任瞻

天仰

聖懼忭之至謹奉

表稱

賀以

聞禮部先期疏奏

皇帝承奉

皇太后懿旨下

制報可

右表賀儀式

恭遇

皇太后宮慶賀行知工部備黃案一併桌套於前一日送

至

慈寧門外鴻臚寺派員陳設又行

景運門護軍統領至日五鼓開東長安門

天安門

端門各中門

午門東旁門

熙和門中門行內務府轉傳內監開

永康左門以備恭進表文豫行八旗滿洲蒙古漢軍

各都統將公主郡主縣主郡君縣君王福晉輔國將軍以上夫人二品以上大臣命婦查有無事故造具印冊送部行理藩院查明下嫁蒙古之公主郡主等及蒙古王福晉貝勒貝子夫人有在京應行禮者開列送部酌定東西班次併派引禮命婦一併開具清單交敬事房內監查照其民公侯伯子男等及一二品大臣之命婦實有事故不能齊集行禮者由該佐領具報該旗聲名緣由報部查核

每三次後彙開清單具題如有三次托故不到者  
將本夫交部議處行理藩院查明外藩王公台吉  
付主客司查明外國陪臣有在京恭與朝賀者應  
一體排班行禮派出滿司官二員於長信門外滿  
漢司官各二員於

午門外監禮又派滿司官二員筆帖式二員於

永康右門監收福晉命婦等職名如奉

懿旨停止福晉命婦等行禮仍知會宗人府理藩院八旗

等處

右戒辦

是日昧爽內鑾儀衛入陳

皇太后儀駕鹵簿於

慈寧門階下至

長信門外內務府掌儀司官比其次察不整備者內

監陳中和韶樂於

慈寧宮檐下樂部和聲署陳丹陛大樂於

長慶門檐下所司豫設案於

慈寧東門外內閣學士自內閣奉

皇帝慶賀表文出內閣官二人前導大學士由

熙和中門至

永康左門外導者止學士奉表授大學士禮部尚書

侍郎前引至

慈寧門升東階陳表案上退內監四人舁案官殿監侍二

人前引由左門入恭設於



慈寧宮寶座東西向禮部儀制司官自部奉諸王大臣內  
外文武官慶賀表文安龍亭內校尉舁行鼓吹前  
導導迎樂作奏禧平之章由東長安門至  
午門外陳設如儀

右儀駕鹵簿樂懸陳設

是日武備院卿豫設

皇帝拜位於

慈寧門外正中北向辨羣臣朝位及執事官位親王以下

入八分公以上位中階下左右未入八分宗室公  
鎮國將軍輔國將軍公侯伯子男大學士內大臣  
都統尚書副都統侍郎內閣學士前鋒統領護軍  
統領步軍統領侍衛位於

長信門外文武三品以下官位

午門外皆按翼北面序立糾儀御史二人位

慈寧門外御史二人禮部官屬二人位

午門外皆東西面北上執事鴻臚寺卿二人鳴贊二

人位

慈寧門檐下引進王公鳴贊二人二品以上鳴贊二人三品以下鳴贊二人視所引為位又鳴贊二人立於午門外皆東西面又鳴贊一人立於

永康左門一人立於右翼門二人立於

熙和門內外二人立於

午門內外聞唱承傳百官行禮

右序班位

五鼓王公百官朝服畢會王公集

隆宗門外文武二品以上官集

長信門外三品以上官集

午門外均按翼祗候贊明禮部尚書侍郎詣

乾清門奏時

皇帝禮服乘輿出宮導從翊衛如常儀禮部尚書侍郎

導

駕由

隆宗門出至

永康左門降輿入王以下入八分公以上隨入禮部  
尚書侍郎恭導

皇帝陞

慈寧門東階於門左西向立後扈大臣從升侍立於後前  
引十大臣於

長信門內左右序立領侍衛內大臣率豹尾班侍衛  
夾東西階僉立鴻臚寺官引王公於階下引

長信門外大臣暨

午門外百官咸就位序立禮部尚書轉傳內監奏請

皇太后陞慈寧宮寶座

皇太后禮服出中和韶樂作奏豫平之章

樂辭三大節  
同後仿此

陞座樂止禮部尚書侍郎恭導

皇帝就拜位北向鴻臚寺官引王公百官均就拜位北

面立丹陛大樂作奏益平之章

樂辭三大節  
同

皇帝率羣臣行三跪九拜禮承傳鳴贊官接傳

午門外各官均隨行禮畢樂止

皇帝復位立禮部尚書轉傳內監奏請

皇太后還宮中和韶樂作奏履平之章

皇太后還宮樂止禮部尚書奏禮成恭導

皇帝出

永康左門乘輿還宮王公百官退禮部官於

午門外奉百官慶賀表文送內閣皆退

皇帝萬壽節率王公百官行禮同

右朝賀

恭遇

皇太后萬壽大慶

皇帝加上

皇太后徽號

儀注恭載上徽號門

頒詔天下

御製慶賀表章至日所司設表案於

慈寧左門之東西向大學士奉表恭設於案退俟於東檐



宣表官一人少後立又大學士一人恭竚於西檐

皇太后御禮服出宮中和韶樂作

陞座樂止禮部尚書侍郎恭導

皇帝就拜位北向立鳴贊奏跪

皇帝跪羣臣咸跪丹陛大樂作贊宣表宣表官詣案奉

表至正中北面跪大學士二人同進跪於左右展

表樂暫止宣表官宣讀訖興奉表復於案退大學

士二人咸退樂作鳴贊奏拜興

皇帝率羣臣行三跪九拜禮禮成

皇帝還宮禮部尚書奉表授內監恭奉入

宮餘均如前儀

右宣表

是日侍衛命婦豫設

皇后拜位於

慈寧宮檐前正中北向設

皇貴妃

貴妃

妃

嬪拜位於左右稍後序公主福晉以下二品命婦以  
上拜位於丹陛上按左右翼依次分列均北面設  
引禮命婦二人贊相禮儀又設命婦八人前引自  
公主逮命婦凡與朝賀及執事者咸朝服自  
永康右門入進

慈寧門於東西丹墀序立內監移丹陛樂於

慈寧門檐下北向禮部尚書轉傳內監奏請

皇后詣

皇太后宮行禮

皇后率

皇貴妃

貴妃

妃

嬪具禮服陞輿以次出

啟祥門前引命婦恭導至

徽音門門外降輿入

皇后陞丹陛至檐前東向立

皇貴妃

貴妃

妃

嬪東西面序立公主福晉暨命婦依次東西面序立

皆北上引禮命婦轉傳內監奏請

皇太后陞慈寧宮寶座

皇太后禮服出中和韶樂作奏豫平之章

陞座樂止引禮命婦引

皇后

皇貴妃

貴妃

妃

嬪就拜位公主福晉命婦均就拜位北面立引禮命

婦奏請行禮丹陛大樂作奏益平之章

皇后率

皇貴妃

貴妃

妃

嬪行六肅三跪三拜禮公主福晉命婦均隨行禮畢  
樂止復位引禮命婦轉傳內監奏請

皇太后還宮中和韶樂作奏履平之章

皇太后還宮樂止引禮命婦奏禮成引

皇后

皇貴妃

貴妃

妃

嬪降階至

徽音左門外陞輿還宮公主福晉命婦皆退內監引

皇子



皇孫詣

皇太后宮行禮如儀

皇后千秋節率

皇貴妃

貴妃

妃

嬪公主福晉命婦行禮均如前儀

右內朝儀

慈寧宮筵宴儀凡元旦

元旦設燕於次日

及

皇太后萬壽聖節及諸

慶典前期禮部疏請得

旨下所司戒備內務府奏請

欽命進爵命婦尚膳內管領庀

皇太后

皇后御饌

皇貴妃

貴妃

妃

嬪燕席親王郡王進饌筵牀席光祿寺庀席屈日內  
鑾儀衛設

皇太后儀駕鹵簿內監設樂懸均如朝賀儀公主福晉夫  
人命婦咸朝服集

永康右門外祇候武備院張黃幕於

慈寧門外階下正中內管領設反站於幕下尊爵金卮壺

勺具尚膳女官內管領妻入

殿布席

寶座前設

皇太后御筵加黃氍

寶座之東為

皇后御筵西南向稍後左右為

皇貴妃

貴妃

妃

嬪筵東西向再後左右為公主福晉以下鄉君入八  
分公夫人以上席重行

殿外丹陛左右為公侯伯子男滿一二品大臣命婦  
席均重行東西向北上席皆加冪

右陳設布席

辰刻內監引公主福晉以下二品以上命婦自

永康右門入

慈寧門序立於東西丹墀內已刻禮部尚書侍郎轉傳內

監奏請

皇后詣

皇太后宮筵宴

皇后率

皇貴妃

貴妃

妃

嬪具禮服陞輿以次出

啟祥門前引命婦八人恭導由

慈祥門入至

徽音左門外降輿入

皇后進至殿內西向立

皇貴妃

貴妃

妃

嬪隨入東西序立公主福晉夫人命婦按翼升丹陛  
東西面序立均北上引禮女官轉傳內監奏請

皇太后御慈寧宮

皇太后禮服出中和韶樂作奏豫平之章

陞寶座樂止引禮女官引公主福晉夫人以次入

殿就燕位次引大臣命婦就燕位

皇后率

皇貴妃



貴妃

妃

嬪各於本位行一拜禮坐公主福晉以下皆一叩各

就位坐迺進茶丹陛清樂作奏海宇昇平日之章

尚茶女官率尚茶婦舉茶案由中道進至

殿檐下闕外中正北面跪進茶女官奉茶入

殿中門由中陞升至

皇太后寶座前跪進茶興東面立

皇后率

皇貴妃

貴妃

妃

嬪行一拜禮公主福晉以下隨行禮坐女官跪受茶

甌由右陞降退出

殿中門侍衛妻進

皇太后茶次分

賜

皇貴妃

貴妃

妃

嬪公主福晉夫人命婦恭

皇后率

皇貴妃

貴妃

妃

嬪以下行一拜禮飲畢復拜如初尚茶女官率尚茶婦徹茶案退樂止

右就位進茶

迺進酒尚膳女官內管領妻入

殿展

皇太后御筵

皇后御筵冪以次展

皇貴妃

貴妃

妃

嬪以下席幕各退司爵女官自黃幕內奉壺爵金卮  
以次進至

殿中門闔外之左西面立丹陛清樂作秦王殿雲開  
之章進爵命婦興離席

皇后以下皆興進爵命婦入

殿北面跪

皇后率

皇貴妃以下皆跪女官舉壺實酒於爵由中門入西面跪授爵興退進爵命婦奉爵興自

寶座中陞升當右北面跪恭進

皇太后酒興由右陞降復位一叩

皇后率

皇貴妃以下行一拜禮坐進爵命婦興由右陞升跪

受爵由中陞降復位跪女官入跪受虛爵迺以金  
卮酌酒承

懿旨賜進爵命婦酒女官入立授卮進爵命婦受卮行一  
叩禮飲卒卮女官立受虛卮退進爵命婦復叩如初  
興退入席坐執事女官分

恩賜果食於各席

皇后以下行一拜禮樂止

右奉觴上壽

迺進饌尚膳女官率尚膳婦以饌入恭進於

皇太后前中和清樂作奏萬象清寧之章執事女官分

賜肴饌於各席

皇后以下皆拜如前儀樂止尚茶女官舉反坫案進至

殿陛下侍衛妻進

皇后前酒次分

賜

皇貴妃



貴妃

妃

嬪公主福晉夫人命婦酒

皇后率

皇貴妃

貴妃

妃

嬪以下行一拜禮飲畢復拜如初坐是時內監下宮

門簾禮部滿尚書侍郎引慶隆舞進至丹陛舞楊  
烈舞次引隊舞大臣進至丹陛舞喜起舞畢茄吹  
進奏朝鮮國俳進百技並作畢各退

右行酒樂舞入侑

內監啟簾內管領妻升徹

皇太后御筵退

皇后

皇貴妃

貴妃

妃

嬪皆興離席就

殿內拜位立公主福晉夫人出

殿左右門暨大臣命婦侍衛妻按翼於丹陛上拜位  
立均北上丹陛大樂作奏益平之章

皇后率

皇貴妃以下一二品命婦以上謝

恩行二肅一跪一拜禮畢樂止引禮女官轉傳內監奏請  
皇太后還後宮中和韶樂作奏履平之章  
皇太后還宮樂止引禮女官奏禮畢恭引

皇后

皇貴妃

貴妃

妃

嬪降階仍由

徽音左門出陞輿還宮內監引公主福晉命婦各退  
右謝恩

恭遇

皇太后萬壽及元旦次日筵宴向例應備饌筵羊酒親王  
等各恭進桌張羊酒如不敷者交光祿寺及兩翼  
增備乾隆二十六年

皇太后七旬萬壽筵宴奉

旨阿哥等進三九近派王等進三九顯親王等進三九

內務府遵

旨辦理將向例王等各進桌張羊酒統入於六九數內  
乾隆三十四年軍機處遵

旨查奏元旦次日

慈寧宮筵宴請用饌筵三十張奉

旨再減十張是年羊酒數目亦照饌筵減半之例三十  
六年

皇太后八旬萬壽與二十六年同

若元旦節

慈寧宮於次日筵宴是日而遇齋戒應否改期豫行請

旨遵辦乾隆二十四年十二月奉

旨次年正月初二日係齋戒日期

皇太后宮筵宴應於初一日舉行

凡王公等所進羊隻自行備送外其增備羊肉及  
需用鐵鍋鐵杓磚竈水桶檐杖柳罐刷帚等量數  
咨工部送用若宴畢所剩桌張交與

慈寧宮首領內監散給拜唐阿內監等前期奏請得  
旨知照內大臣理藩院內務府上三旗護軍統領  
皇后三大節朝賀

順治八年四月定

皇后三大節禮儀是日

皇后儀仗全設

皇后詣

皇太后宮行禮畢還宮公主和碩福晉以下都統子尚書



命婦以上俱詣

皇后宮行禮

康熙八年定元旦冬至次日

皇后宮慶賀禮儀是日設

皇后儀駕於

太和殿前

時修  
官尚未竣工

設丹陛大樂於

中和殿前

皇后詣

欽定四庫全書

皇朝文獻通考

四十八

太皇太后

皇太后宮行禮畢公主福晉以下一品命婦以上咸朝服

行禮如儀

十年定

皇后儀駕丹陛大樂設於

坤寧宮前

十一年定

皇后千秋節慶賀禮儀與元日同

雍正六年

皇后千秋節王公百官咸蟒袍補服

乾隆六年禮部奏

皇后千秋節恭進慶賀箋文向未列班行禮於典禮未

備嗣後文武各官擬於

午門外齊集行禮得

旨仍照舊例行

十六年正月奏准

皇后千秋節正值

皇上恭奉

皇太后祇謁

泰陵應行典禮應請停止賀箋仍屆期送閣

二十七年十月定慶賀

皇后題本式題本面頁用紅綾紅簽本內加紅簽

二十八年二月更定慶賀題本式通政使寶麟等

奏言各督撫慶賀

皇后千秋本章內加簽有用半簽有用全簽有並未加  
簽者殊未畫一副後慶賀

皇后本章及貼黃請改用紅紙其面頁仍用紅綾紅簽  
本內毋庸另行加簽疏入令大學士等集議應如  
所請惟面頁面簽臣等酌議亦用黃綾以昭畫一  
從之

皇后三大節朝賀儀先期諸王公及內外文武臣工具  
賀箋送禮部其式曰具官臣某等誠懽誠忭稽首

頤首

上言伏以

箋聯隨  
時撰擬  
敬惟

皇后殿下

隨時  
撰擬  
臣等幸際昌期恭逢

令節  
元旦  
長至  
伏願

隨時  
撰擬  
臣等無任瞻

天仰

聖懽忭之至謹奉

箋稱

賀以

聞

右箋賀儀式

前期一月將禮儀具題得

旨行文各衙門遵辦行八旗理藩院取行禮命婦名冊  
付精膳司轉傳侍衛命婦鋪設

皇太后宮及

皇后宮內拜褥豫備行禮均照

皇太后宮朝賀例辦理行禮前三日恭繕

皇后行禮受朝儀注

皇貴妃

貴妃

妃

嬪以下行禮儀注并繕寫綠頭牌進呈



御覽後交內監恭進奏呈儀注後抄錄原奏行知內務  
府內鑾儀衛領侍衛內大臣內閣典籍廳并宗人  
府理藩院八旗等一體遵照如奉

旨免齊集仍行知會

右戒辦

是日昧爽內鑾儀衛陳

皇后儀駕於

交泰殿前陳車輿於

乾清門外內監設中和韶樂於

交泰殿檐下設丹陛大樂於

儀駕之南禮部儀制司官自部奉臣工慶賀箋文安  
龍亭內校尉舁行鼓吹前導導迎樂作奏禧平之  
章由東長安門至

午門外陳設恭送內閣如儀

右儀駕樂懸陳設

質明內監設

皇貴妃

貴妃

妃

嬪拜位於

殿檐前北面設公主福晉以下二品命婦以上拜位  
於丹陛下按翼分東西班北面序立設引禮命婦  
二人贊相禮儀公主福晉暨命婦與賀者依時刻  
朝服祇候

皇后既率

妃

嬪詣

皇太后

皇帝前行禮畢

皇貴妃

貴妃

妃

嬪俱禮服詣

交泰殿陞丹陛序立於

殿前東西向內監引公主福晉暨命婦由

隆宗門

內右門入序立於丹陛左班西面右班東面俱北上

引禮命婦轉傳內監奏請

皇后御殿

皇后禮服出中和韶樂作秦淑平之章

樂辭三大節  
同後仿此

陞座樂止引禮命婦引

皇貴妃

貴妃

妃

嬪就拜位公主福晉命婦俱就拜位左班西上右班

東上均北面行六肅三跪三拜禮丹陛樂作奏正

平之章

樂辭三  
大節同

禮畢復原位立樂止引禮命婦奏

禮成中和韶樂作奏順平之章

皇后還宮樂止

皇貴妃

貴妃

妃

嬪各還宮公主福晉命婦皆出內監引

皇子

皇孫詣

皇后宮行禮如儀

右中宮朝賀

皇朝文獻通考卷一百二十九



欽定四庫全書

皇朝文獻通考卷一百三十

王禮考

六

登極

臣等謹按馬端臨王禮考不載登極之儀王者踐阼而治萬國應期啟聖握紀御符典禮詎宜從畧元史禮樂志載即位受朝儀明史禮志亦首載登極儀於例為協洪惟我

太祖肇興王業建元受朝式創受命之規

太宗拓土啟疆諸部咸附建國號曰

大清築壇告

天宣表稱賀益宏開國之模

世祖定鼎燕京柴燎告

天行即位禮遂成萬年一統中外之業至於

列聖繼體守文正位凝命告於

几筵臨蒞萬國所定儀注斟酌古今之宜至孝至仁超軼

千古我

皇上嗣皇帝位悉遵

前典敬迓

天庥茲按

五朝寶錄

起居注及

大清會典敬謹編載以垂示無極

天命元年正月壬申朔諸王百官恭上

太祖高皇帝尊號曰覆育列國英明皇帝建元天命

御殿受朝賀是日內外貝勒大臣率羣臣集殿前分八旗

序立

上御殿陞座衆貝勒大臣率羣臣跪八大臣出班跪進表

章近侍侍衛阿敦巴克什額爾德尼接表額爾德

尼在

御前宣表訖

上乃降御座焚香告

天率貝勒諸臣行三跪九叩禮畢復

陞座衆貝勒大臣各率本旗人員行慶賀禮

十一年九月庚午

太宗文皇帝嗣皇帝位

御殿受羣臣朝

頒詔大赦是日三大貝勒諸貝勒大臣及文武各官聚於

朝具

法駕設鹵簿

上率貝勒羣臣焚香告

天行三跪九叩禮畢

上陞座諸貝勒大臣文武官員行三跪九叩禮畢

頒詔大赦以明年為天聰元年

崇德元年四月乙酉內外貝勒以下文武百官上

尊號曰寬溫仁聖皇帝改元崇德建國號曰

大清前期築壇於

天壇之東屆期

上率內外貝勒以下文武百官出德盛門詣壇告祭

天

地禮成文武各官先至壇東所築壇下奉玉璽四金椅陳

設壇上

大駕鹵簿陳設壇前畢導引官二人在前恭導

駕由中階登壇升座諸貝勒大臣左右序列樂作鳴贊官

贊跪叩衆行三跪九叩禮興贊跪衆皆跪和碩貝

勒等捧寶跪獻

上受寶授內院官置寶盃內諸貝勒等復位鳴贊官贊叩  
興衆行三跪九叩禮興贊跪衆皆跪宣讀官捧滿  
洲蒙古漢字三體表文立於壇東以次宣讀畢贊  
叩興衆行三跪九叩禮興贊退諸貝勒羣臣俱退  
陳儀仗奏樂

駕還宮越二日丁亥諸貝勒大臣率文武各官上表慶賀  
齊集殿前分翼排立

上御殿陞座樂作鳴贊官贊排班贊進贊跪叩興貝勒大



臣率滿洲各官行三跪九叩禮興贊跪貝勒大臣率滿洲各官俱跪捧表跪進侍臣接至

御前跪讀畢贊叩俱行三跪九叩禮興贊退各復原位立次外藩貝勒大臣進表行禮次漢官進表行禮俱如前儀

御前官傳

旨曰

寬溫仁聖皇帝有制諭諸貝勒大臣進前贊禮官贊班齊

衆皆序立贊禮官贊跪衆皆跪滿洲文臣捧

上諭至諸貝勒大臣前西向立宣讀曰

寬溫仁聖皇帝勅諭朕以涼德祇承丕緒加以尊號懼無  
以慰衆望爾等勸進再三屢辭勿獲令敬告

天

地允受尊號爾諸貝勒大臣當同心輔政恪共厥職以匡  
朕之不逮正己率屬各殫忠誠立綱陳紀毋圖小利倘  
能建立功名朕當隆以爵賞尤須撫衆恤民君臣一德

庶幾上合

天心下遂民志如此則明良喜起政治咸熙萬民樂利  
天益佑助之矣布告天下咸使聞知宣畢諸臣奏曰

聖諭及此國家之福也於是贊禮官贊跪贊叩諸貝勒大  
臣行三跪九叩禮贊禮官贊復位諸貝勒大臣俱復  
位次執事文官都察院贊禮官各行三跪九叩禮  
畢

賜諸貝勒大臣文武各官坐衆各一跪一叩坐

賜宴畢

駕還宮衆皆退是日

頒詔大赦

八年八月丁亥

世祖章皇帝嗣皇帝位

御殿受羣臣朝

頒詔中外前期告祭

郊壇

宗廟是日內外諸王貝勒率文武羣臣具朝服齊集

篤恭殿前兩翼按旗序立內院官奏請

陞殿

上出宮時寒甚侍臣進貂裘

上却視裘弗御時

上甫六齡將升輦乳媼欲同坐

上曰此非汝所宜乘不許遂升輦由東掖門出諸王羣臣

跪迎

御殿陞座和碩鄭親王濟爾哈朗和碩睿親王多爾袞率  
諸王貝勒貝子公文武羣臣前進鳴贊官贊跪叩  
興衆行三跪九叩禮興贊退俱復原位立次外藩  
王以下各官前進鳴贊官贊跪叩興衆行三跪九  
叩禮興贊退俱復原位立贊排班贊進贊跪衆俱  
跪贊頌

恩詔大學士自黃案上捧詔書至丹陛上立宣

詔曰我

太祖武皇帝受

天明命肇造丕基懋建鴻功貽厥孫子

皇考大行皇帝嗣登大寶盛德深仁宏謨遠畧克協

天心不服者武功以戡定已歸者文德以懷柔拓土興基

國以滋大在位十有七年於崇德八年八月初九日

上賓諸伯叔兄及文武羣臣咸以國家不可無主神罷不

可久虛謂朕為

皇考之子應繼大統乃於八月二十六日即皇帝位以明

年為順治元年朕年幼冲尚賴諸伯叔兄大臣共襄治  
理所有應行赦款開列于後布告中外咸使聞知宣

詔畢贊叩興衆行三跪九叩禮興贊退俱復原位立贊禮

畢

上陞興還宮顧謂侍臣曰適所進裘若黃裏朕自衣之以  
紅裏故不服耳諸王以下文武各官跪送各退是日不

陳鹵簿不作樂不設筵宴

順治元年十月乙卯朔以定鼎燕京告



天行即位禮

御殿受朝賀

頒詔天下前期太常寺官掃除壇壝司設監設金椅於

郊壇之東南向設寶案于金椅前是日遣官告於

太廟

社稷鹵簿全設

駕由大清門出作樂前導

上躬詣

南郊告祭

天

地畢內院大學士率文武各官跪奏告祭禮成贊禮官恭  
導進詣壇東幄次更衣

陞座諸王以下文武各官侍立鳴贊官贊排班贊進贊跪  
衆俱跪大學士剛林由東班陞階正中跪學士詹  
霸自案上捧寶授大學士剛林大學士剛林奉寶  
奏云

皇帝君臨萬國諸王文武羣臣不勝懼忭奏畢以寶仍授  
學士詹霸置於案上皆退立原班鳴贊贊官贊跪叩  
興衆俱行三跪九叩禮興贊退俱復原位立候  
駕還宮鹵簿前導作樂進

大清門衆俱退是日鴻臚寺設

御座于皇極門正中

今名太和門

設表案於門檐之東王等齊

集於金水橋之北文武各官齊集於金水橋之南  
東西相向序立祇俟樂作

上陞座樂止鑾儀衛官贊鳴鞭階下三鳴鞭內大臣侍衛  
內院禮部都察院及鴻臚寺執事各官先於階上  
行三跪九叩禮畢各司其事鳴贊官贊排班贊進  
贊跪諸王率文武各官俱跪贊進表內院大學士  
捧諸王等所進三體表文跪置案上興鳴贊官贊  
宣表內院大學士詣案前取表以次跪宣畢興捧  
表仍跪置案上行三叩禮興退立原位鳴贊官贊  
跪叩興諸王以下文武各官行三跪九叩禮興贊

退衆俱復原位立鑾儀衛官贊鳴鞭階下三鳴鞭  
上還宮各退越九日甲子

御皇極門

頒詔天下大宴諸王文武羣臣

詔曰我國家受

天眷佑肇造東土

列祖創興鴻業

皇考式廓前猷遂舉舊邦誕膺新命迨朕嗣服雖在冲齡

締念紹庭永綏厥位頃緣賊氛洊熾極禍中原是用倚  
任親賢救民塗炭方馳金鼓旋奏澄清既解倒懸非富  
天下而王公列辟文武羣臣暨軍民耆老合詞勸進懇  
切再三乃於今年十月初一日祇告

天

地

宗廟

社稷即皇帝位仍建有天下之號曰大清定鼎燕京紀

元順治緬維峻命不易創業尤艱况當改革之初更屬  
變通之會是用準今酌古揆天時人事之宜庶幾吏習  
民安彰

祖功

宗德之大於戲天作君師惟鑒臨于有德民歌父母斯悅  
豫於無疆既已俞旨布恩宏敷大賚將使投誠歸命無  
阻幽深惟爾萬方與朕一德布告遐邇咸使聞知

十八年正月己未

聖祖仁皇帝嗣皇帝位

御殿受羣臣朝

頒詔天下前期司設監設

御座於

太和殿宣徽院設

寶案於

御座之南鴻臚寺設表案于簷下之東設

詔案於檻內之東是日遣官各一人祭告



天

地

太廟

社稷陳鹵簿儀仗於

太和殿前陳輦輅於

午門陳黃蓋雲盤於丹墀內陳龍亭香亭於

午門外教坊司陳中和韶樂於丹陛上之東西陳丹

陛樂於

太和門之東西俱設而不作內閣官捧

詔置於

太和殿內之東案上尚寶司捧

寶置於

御座之南案上

上縞素服詣

世祖章皇帝几筵前行三跪九叩禮祇告受命禮畢具禮

服詣

聖祖母太皇太后前行三跪九叩禮次詣

兩宮

皇太后前行三跪九叩禮畢禮部堂官奏請

御中和殿升座鴻臚寺官引內大臣侍衛內院禮部都察院執事各官行三跪九叩禮畢不贊禮部堂官奏請

御太和殿陞座鳴鐘鼓不作樂王以下公以上齊集丹陛上文武百官齊集丹墀內俱朝服序立鑾儀衛官

贊鳴鞭鳴贊官贊排班贊進贊跪諸王以下各官  
俱跪贊上表稱賀有

旨免宣鳴贊官贊跪叩興諸王以下各官行三跪九叩禮  
興贊退俱復原位立內閣官捧

詔至

寶案前用寶訖大學士捧出

太和殿授禮部堂官禮部堂官跪受由中階降安設  
雲盤內張黃蓋由中道出行禮開讀王以下公以

上進

殿內一跪一叩坐

賜茶畢鳴鞭

駕還宮易服是日

頒詔天下

詔曰惟我國家受

天眷命

祖功

宗德肇造丕基我

皇考大行皇帝盛德至仁英資大度繼承歷數統一寰區  
恩波洽于多方政教臻于上理方期邦國永底雍熙不  
幸奄棄臣民遽升

龍馭顧以大寶屬於眇躬朕兢兢在疚本不忍聞而諸王  
貝勒大臣文武官員人等僉謂神器既已攸歸天位不  
宜久曠堅請再三朕是以俯徇輿志勉抑哀衷於是月  
初九日祇告

天

地

宗廟

社稷即皇帝位仰惟

上天眷佑之篤

祖宗付託之隆涼德冲齡膺茲重寄敬圖觀光揚烈用紹  
無疆之休其以明年為康熙元年與天下更始式衍舊  
恩聿弘新化於戲孝思惟則永深繼述之懷忠悃載摠

實賴勛之佐凡爾親賢文武其尚輔翼菲躬共矢嘉謨以成至治布告天下咸使聞知

康熙六十一年十一月辛丑

世宗憲皇帝嗣皇帝位

御殿受羣臣朝

頒詔天下前期遣官各一人告祭

天

地



太廟

社稷禮部設

寶案於

太和殿

御座之南鴻臚寺設表案於檐下之東設

詔案於檻內之東是日鑾儀衛陳鹵簿儀仗於

太和殿前陳輦輅於

午門外陳黃蓋雲盤龍亭香亭於丹墀內教坊司陳

導迎樂於

午門外陳中和韶樂於簷之東西陳丹陛樂於

太和門之東西設而不作內閣大學士捧

詔置于

太和殿之東案內閣學士捧

寶大學士隨後由

乾清門至

太和殿置於

御座之南案上

上縞素服詣

聖祖仁皇帝梓宮前行三跪九叩禮祇告受命出更禮服

詣

聖母皇太后宮行三跪九叩禮出至

乾清門外陞輿

先是總管太監下

乾清宮中間簾

出奉

金輿奏請

旨乾清宮雖垂簾朕何忍在

陞輿由

乾清門中門

皇父前即坐輿出中門朕從  
東旁門出再坐輿心始安

禮部堂官恭導至

保和殿後降輿奏請

御中和殿陞座鴻臚寺引內大臣侍衛內閣翰林院詹事府禮部都察院執事各官行三跪九叩禮畢不贊禮部堂官奏請

御太和殿陞座鳴鐘鼓不作樂王以下公以上齊集丹陛上文武百官齊集丹墀內俱朝服排班序立鑾儀衛官贊鳴鞭鳴贊官贊排班贊進贊跪諸王以下各官俱跪贊上表奉

諭免宣鳴贊官贊跪叩興王以下各官行三跪九叩禮興  
贊退俱復原位立大學士捧

詔至

寶案前用寶訖捧出

太和殿授禮部堂官禮部堂官跪受由中階降安設  
雲盤內由中道出行禮開讀文武各官由

昭德門

貞度門出王以下公以上進

殿一跪一叩坐鳴鞭王以下各官興

駕還官易服內閣學士捧

寶大學士隨後送至

乾清門乃退是日

頒詔天下

詔曰我國家受

天綏佑

太祖

太宗肇造區夏

世祖章皇帝統一疆隅我

皇考大行皇帝臨御六十一年德茂功高文經武緯海宇

寧謐歷數悠長不謂謝棄臣民遽升

龍馭親授神器屬於藐躬朕

皇考大行皇帝

德妃之子昔皇二子弱齡建立深為

聖慈鍾愛寢處時依恩勤倍篤不幸中年神志昏憤病類

風狂

皇考念宗社重任付託為艱不得已再行廢斥待至十有餘年沉疾如故痊可無期是以

皇考升遐之日詔朕纘承大統朕之昆弟子姪甚多惟思一體相關敦睦罔替共享昇平之福永圖磐石之安孔子曰三年無改於父之道我

皇考臨御以來良法美政萬世昭垂朕當永遵成憲不敢少有更張何止三年無改至於



皇考知人善任至明至當內外諸大臣朕方亟資翊贊以  
期始終保全務宜竭盡公忠恪守廉節俾朕得以加恩  
故舊克成孝思倘或不守官箴自干國紀既負

皇考簡拔委用之恩又負朕篤愛大臣之誼部院屬吏直  
省有司亦宜實心任事潔已奉公不得推諉上官自曠  
厥職天下百姓受

皇考恩澤日久蠲賑頻施勸懲備至間有愚氓甘犯律令  
皇考每遇讞決必加詳審爰書累牘披閱靡遺少有可生

之路立施法外之仁凡我百姓各宜孝親敬長畏罪懷刑以副朕仰法

皇考如天好生之意茲因諸王貝勒大臣文武官員人等僉謂天位不可久虛

宗社允宜蚤主再三陳請朕勉徇輿情暫抑悲痛於是月二十日祇告

天

地

宗廟

社稷即皇帝位以明年為雍正元年仰惟

先志之宜承深望皇圖之永固適昭新化期衍舊恩於戲  
追慕

前徽繼述無忘於夙夜廣推

聖澤恩膏願被於寰區凡爾親賢文武其共矢蓋誠各輸  
心膂用紹無疆之業永垂有道之庥布告天下咸使聞  
知

雍正十三年九月己亥

皇上嗣皇帝位

御殿受羣臣朝

頒詔天下前期遣官各一人告祭

天

地

太廟

社稷至日五鼓各執事官入

太和殿設

寶案於

御座前正中設

詔案筆硯案表案陳鹵簿樂懸均如儀內閣學士一人  
奉

詔書禮部儀制司官奉表內閣中書奉筆硯均陳於案  
大學士一人率學士詣

乾清門請

皇帝之寶陳于

殿上

寶案正中質明

上縞素服詣

世宗憲皇帝几筵前行禮祇告受

命出更禮服詣

皇太后宮行禮畢禮部堂官奏請

御殿

上自乾清門左旁門出陞輿

先是禮部奏登極儀注得旨此奏內稱安

轎于乾清門正中今

皇考擇宮安奉

乾

清宮朕不敢於乾清門正中乘輿著安于稍左

引扈衛如儀

御中和殿內大臣侍衛內閣翰林院禮部都察院執事

各官行禮畢禮部堂官奏請

御太和殿陞座鳴鞭王公百官行三跪九叩禮畢復位大

學士奉

詔詣

寶案學士北面用寶訖乃

頒詔布告天下禮成鳴鞭

上還宮易服是日宮懸大樂設而不作不宣表不賜茶  
詔曰惟我國家受

天眷命

太祖

太宗創垂基緒

世祖統一萬邦



皇祖聖祖仁皇帝享祚久長重熙累洽我

皇考大行皇帝繼承大統御宇十有三年夙夜憂勞勤求  
至治用康乂我億兆臣民威德豐功炳耀寰宇恩膏  
洋溢漸被八紘薄海時雍中外蒙福方期永綏隆祚  
仰荷鴻禧何意奄棄臣黎遽升

龍馭以

宗廟

社稷之重屬於藐躬朕自冲齡即蒙

皇祖撫育宮中深恩鍾愛睠昧逾常

皇考顧復恩勤聖慈篤執瞻依朝夕祇受

誨言牖迪有加

宸衷默眷朕自惟涼德懼弗克勝顧念神器不可久虛勉

抑哀衷欽遵

成命於九月初三日祭告

天

地

宗廟

社稷即皇帝位以明年為乾隆元年仰惟

上天篤祐之隆

皇考詒謀之重撫躬乾惕祇紹

前徽丕布新恩聿昭錫類於戲覲光揚烈深思負荷之維  
艱建極綏猷時勵精勤於罔懈諸王文武大小臣工  
其共殫公忠協心襄贊懋圖上理祇迓洪休以光大  
我國家無疆之祚布告天下咸使聞知

登極儀凡

登極之禮既訖吉諸司下所屬供備王公大學士文

武百官前期進表內閣先一日遣官祇告

天

地

太廟

社稷各一人朝服將事如常儀禮畢出易服退

右祇告

是日五鼓步軍統領勒所部屯禁城諸門所司入  
太和殿鋪陳

御座南正中設一案南向  
前楹之東設二案皆西向西  
設一案東向又中設一案於丹陛上設黃繖雲盤  
于丹墀鑾儀衛率官校入備鑾輿陳

法駕鹵簿樂部率和聲署入展樂如儀夜漏未盡禮部  
尚書奉表入陳東楹南案內閣中書奉筆硯入陳  
西案內閣學士一人奉

詔書入陳東極北崇大學士一人率學士詣

乾清門請

皇帝之寶學士恭奉大學士從入

殿內恭設於中案退記注侍班執事各官王公百官

班位如常儀

詳見三大節

右陳設序位

質明王公文武百官畢會

午門闕下朝服序入均如常儀

皇帝詣

几筵前行祇告受

命禮禮成出更禮服詣

皇太后宮

皇太后禮服陞座

皇帝行三跪九拜禮畢禮部尚書侍郎二人率欽天監

候時官奏時

午門鳴鐘鼓

皇帝由

乾清門左門出乘輿禮部尚書侍郎恭導內大臣十人前引二人後扈豹尾班執鎗侍衛十人佩刀侍衛十人翊衛隨行由

保和殿

御中和殿陞座鴻臚寺官引侍班導從各官按班行禮畢侍班官先趨出外朝就位禮部尚書一人進至檐前奏請即



皇帝位

駕興導引翊衛如初

御太和殿陞

寶座南面即

皇帝位鑾儀衛官三傳鳴鞭丹墀內三鳴鞭鴻臚寺卿

引王公於丹陛上鳴贊引文武百官於丹墀內北

面立贊進皆進贊跪皆跪贊叩興王以下文武百

官行三跪九叩禮興鴻臚寺官引退復位立大學

士進

殿左門就東案奉

詔陳於中案上少退西面立內閣學士進就中案北面  
用

寶訖退禮部尚書進至檐下大學士奉

詔由闌東出

殿中門授禮部尚書禮部尚書跪受興奉至丹陛案  
前北面恭設于案行一跪三叩禮興復奉降中階

至丹墀陳於雲盤禮部儀制司官一人跪受興十  
人前導由中道出

頒詔天下

皇帝降座至

殿後階乘輿入

後左門至

乾清門左門外降輿入還側殿易服大學士率學士  
奉

皇帝之寶送

乾清門各退是日陳表而不宣宮懸大樂皆設而不  
作餘儀與三大節同

右百官朝見



皇朝文獻通考卷一百三十